

ТОМ БОЛЬШЕВИК

(Молодой большевик)

ГАЗЕТА ВЫЛӨ

ГИЖШАН ЦЕНА

1 год кежө 14 р. 40 к.

6 мес. кежө 7 р. 20 к.

3 мес. кежө 3 р. 60 к.

1 мес. кежө 1 р. 20 к.

Номерлөн цена—8 к.

Редакциялн адрес:

г. Кудымкар, улица

Сев. Коммунаров, 34,

этаж 3-ий,

комн. № 61, 63 и 64.

ВЛКСМ Коми-Пермяцкэй округкомлөн да Кудымкарскэй райкомлөн орган.

Коми округлө 16 год

Талун—апрель 3 лунд 1941 год—Коми-Пермяцкэй национальнэй округлө тырис 16 год. Коми-пермяцкэй народ этö историческэй лунсö отмечайтö, кыздэ радостнэй праздник.

Только Великэй Октябрьскэй социалистическэй революция, только Ленинлөн—Сталинлөн партия освободитис коми-пермяцкэй народос вековдэй эксплуатация увтись. Коми-пермяцкэй народ, кöда вылын одажык издевайтчывлисö да кöдидö пощадатог угнетайтисö царскэй чиновниккез, граффез Строгановвез, князез Лазареввез, вöрпромышленниккез Демидоввез, приставез да земскэй начальниккез, урядниккез да стражниккез, местнэй купецез, кулаккез да попpez, большевистскэй партиалөн волябн пондис овны свободнэй, культурнэй, радостнэй оланөн.

Большевистскэй партия руководство увтын, великэй Сталинлөн заботабн да великэй русскэй народлөн братскэй отсöтөн советскэй власть годдзёо коми-пермяцкэй народ керис ыджыт созидательнэй удж, пöртис Коми округсö царизмлөн пемьт уголокись цветущой советскэй крайö, кытөн мощнöя быдмöны народнэй хозяйстволөн быд отраслез, социалистическэй культура да искусство.

Годись годö сё вылынжыка лэбб Коми округлөн материалнэй благосостояннё да культура. Советскэй власть обеспечитис коми мортлө культурнэй да радостнэй олан. Адзэвылытём темпезөн быдмö национальнэй формаа социалистическэй держаннёа культура. Кыдэ резкёя отличайтчö öнися Коми-Пермяцкэй национальнэй округ одажыксыя, дореволюционнэй Коми крайись!

Наука дынö, знаннёез дынö жаднöя кыссьоны дассез тысчазез коми уджалиссез, кöднйа полукитисö возможность асланыс роднй кыв вылын овладевайтны передовй социалистическэй культуралөн богатствозён. Великэй Сталинлөн заботасянь коми народ коласис лэбтисисö сотнаез том таланттез, кöдна полукитисö возможность всестороннэй развитие понда.

Миян коми-пермяцкэй народ отлаын великэй русскэй народкөт, миян странаись быдос народдзекөт великэй дружбаын, большевистскэй партиалөн руководство увтын строитö коммунизмись величественнэй зданнё.

Лöсьöтчöны гимнастическэй соревнованнёез кежö

Апрель 6 лунсянь 20 лундöз повдасö чулөтчаны комсомольскэй гимнастическэй соревнованнёез.

Сельхозшколаын комсомольскэй организациялөн секретарь ёрт Дудин да физкультурнэй коллективлөн председатель ёрт Голубцов комплектуйтисö 65 мортись командазез. Быд асывö ния чулөтлöны зарядка, рыттэзнас—специальнэй занятияез, а 11 часьянь 12 часдöз—рытса строевй подготозка.

Умöля лöсьöтчöны гимнастическэй соревнованнёез кежö Учительскэй ин-

Коми-Пермяцкэй округлөн хозяйственнэй да культурнэй быдмöмын успеххез—этö Ленинско-Сталинскэй национальнэй политика победалөн результат, народдзэ вождьлөн великэй Сталинлөн гениальнэй руководствоись результат.

Эта чулалём 16-öт годö Коми округ культурнэй да экономическэй отношеннёын эшö буржыка крепамис. СССР Верховнэй Совет Президиумлись июнь 26 лунся да июль 10 лунся Указез тырткө коми-пермяцкэй народ, кыздэ и быдос советскэй народ мыччалис творческэй уджын чудесаез. Сия эшö öддöбнжык топöтчис Ленинлөн-Сталинлөн партия гöгöр, великэй Сталин гöгöр и неуклоннöя муно одзлань коммунизм дынö.

Керим мийö öддöбн уна. Эта бесспорнэй. Но большевиккелö оз туй зазнавайтчыны да почивайтны лараез вылын. Эшö уна кольчис керны одзланьын. Округись уджалиссез одзын, а сидзжö и комсомольскэй организацияез одзын сулалöны ыджыт задачаез. XVIII Всесоюзнэй партийнэй конференция аслас решеннёезын отметитис серьезнэй ошибнаез да промаххез миян предприятияез уджын. Конференция примитис 1941 год кежö народно-хозяйственнэй план. Уна колö керны, медбы сувтöтны подлинно большевистскэй порядок предприятияезын, колхозезезын, вöрпуннтэзын, учрежденнёезын, быдсөн тыртны планез, уджавны график сьöртис, сетны госуларстволö вылын качествоа продукция, керны производство вылын чистота да культура, лэбтыны уджын производительность, крепитны трудовй дисциплина, эшö öддöбнжык крепитны миян странались хозяйственнэй да обороннэй мощь—эта вылын должнөсь уджавны öни мийö, этö корöны миянсянь большевистскэй партия да советскэй правительство. Эта вылын öни должн уджавны да сетны партиалö серьезнэй отсöт округись быд комсомольскэй организация, быд комсомолец, быдос том отир.

Успешнöя завершитны вöрзаптан план тыртём, большевистскёя лöсьöтчыны да чулөтны вöркылөтём, тулысья кöдзан кампания, упорнöя пессьыны и обеспечитны вылын урожай полукитём, животноводстволись продуктивность лэбтём, проявитны быдос этаны медактивнэй участие—обязанность быд комсомолецлөн, быд том мортлөн.

ститутись студентез. Физкультура сьöртис инструктор ёрт Мальцева да комсомольскэй организациялөн секретарь ёрт Лаптева студентез коласын эз нуötö гимнастика йылись массово-раз'яснительнэй удж.

Гимнастическэй соревнованнёезодз кадис кольчис öддöбн етша ни. Но эшö позьö и колö примитны быдос мераез, медбы уважык комсомолецез да несоюзнэй том отир примитисö активнэй участие эна комсомольскэй гимнастическэй соревнованнёезын.
ПАПИН.



Коми округын советскэй власть годдзёо быдмисö национальнэй искусстволөн уна том талантливй кадррез. * Снимок вылын: М. Горький нима Коми-Пермяцкэй национальнэй театралөн артист Илья МАКСИМОВИЧ КАРАВАЕВ.

Пессьыны виль успеххез понда!

Чулалис РККА-лөч XXIII годовщина нима Всесоюзнэй лыжнйöй комсомольскэй кросс. Гайинскэй район босьтис округ пасьта III места.

Миян районись кроссын участвуйтисö 260 комсомолец, ны коласись 231 комсомолец сетисö нормаез ГТО значок вылө.

Медбура кросс чулөтис Гайинскэй шöрөт школаись первичнэй комсомольскэй организация (секретарь Бушманов). Эта организация районнй босьтис первй места. Бура чулөтисö кросс Шуминскэй первичнэй комсомольскэй организацияын (секретарь Дегтянников), 11 комсомолецись участвуйтисö и сетисö нормаез 9 комсомолец. Пятигорскэй школьнй комсомольскэй организация (секретарь Калина) босьтис III места.

Эттшöм результаттез миян лонисö сысянь, что комсомольскэй организацияез правильнöя вежöртисö лыжнйöй комсомольскэй кросслись серьезнэй значеннөсö. Этна организацияезись секретаррез нуötисö лыжнйöй спорт йылись ыджыт массово - раз'яснительнэй удж.

Но мукод комсомольскэй организацияез эзö тыртö

ны одзö сувтöтём задачаезö. В-Камскэй школьнй первичнэй комсомольскэй организация (секретарь ёрт Топорова ВЛКСМ райком пленумлөн член), кроссын совсем эз участвуйт. Революция нима колхозись первичнэй комсомольскэй организация (секретарь Мизева) сидзжö эз участвуйт кроссын.

Быдса бездеятельность кросс чулөтöмын проявитисö имасскёя да райпотребсоюзовскэй первичнй комсомольскэй организацияезлөн секретаррез.

Ния успеххез вылын, кöдна миян эмöсь, сувтчыны оз позь. ВЛКСМ ЦК утвердитис комсомолецезлөн массовй гимнастическэй соревнованнёез йылись Положеннё. Öни миян районись первичнй комсомольскэй организацияез кутчисö тренируйтчыны, медбы босьны округын не III места, а I места. Сомневайтчытөг позьö шуны, что партийнй организацияез руководство увтыя Гайинскэй районись комсомолецез гимнастическэй соревнованнёезын мыччаласö неумöль результаттез.

ЕВДОКИМОВ,
ВЛКСМ Гайинскэй райкомлөн секретарь.

350 МОРТ ГОТОВОСЬ СОРЕВНОВАННЁЕЗ КЕЖÖ

Юрлинскэй районнй гимнастическэй соревнованнёез кежö комсомолецез пондисö лöсьöтчыны сэк, көр ВЛКСМ ЦК лэдзис соревнованнёез йылись Положеннөсö.

Медперво район пасьта организуйтём 63 команда. Первичнй комсомольскэй организацияезись секретаррезкөт да инструкторрезкөт чулөтём семинар. Этöн семинарöн руководитис физкультура да спорт сьöртис инспектор Ваньков.

Зарядка типа упражненнёез сьöртис специальнй тренировка чулалисö 125 морт. Гимнастическэй соревнованнёез кежö готовось комсомолецез да том отир 350 морт. Юрлинскэй шöрөт, небыдса шöрөт да Усть-Зулинскэй шöрөт школаез быдсөн ны готовось гимнастическэй соревнованнёез кежö.

ФЕДОСЕЕВ,
ВЛКСМ Юрлинскэй райкомлөн секретарь.

ПОНДИСÖ ТРЕНИРУЙТЧЫНЫ

Миян Кудымкарскэй вöртехникумын гимнастическэй соревнованнёез кежö лöсьöтчöм понда организуйтёмсö 9 команда. Быд лун уроккез бöрын мийö гимнастика вылө уделяйтём не етшажык 30 минутася. Командаез занимайтчöны физзалонь и быд команда янын öтамöддынсянь. Тренировочнй занятияез коста дисциплина студентез коласын бур.

Миян техникумись комсомольскэй организация медпервй сетис заявка ВЛКСМ Кудымкарскэй райкомö гимнастическэй соревнованнёезын участвуйтём йылись.

ВЫСОТИН,
Вöртехникумса первичнй комсомольскэй организациялөн секретарь.

ВЕЛÖТИСÖ 8 УПРАЖНЕННЁ

Комсомолецез первичнй комсомольскэй организацияезись, кöдна помещайтчöны Дом Советовын, физкультура да спорт сьöртис городскэй инструктор ёрт Папин руководство увтын изучитисö ГТО комплексись зарядка типа 8 упражненнё.

Апрель 3 лунсянь эна комсомольскэй организацияез пондасö тренируйтчыны городскэй физкультурнй залонь тореборье сьöртис. Апрель 6 лунö вйа примитасö активнй участие комсомольскэй гимнастическэй соревнованнёезын.

ОТИНОВА.

